

Aðalfundur Golfklúbbs Akureyrar 2007

Haldinn að Jaðri 29. Nóvember kl 20:00

Halldór Rafnsson setti fundinn og bauð félaga velkomna. Minntist hann síðan þeirra félaga sem létust á árinu.

Dagskrá fundarins var:

1. Kosning fundarstjóra og ritara.
2. Skýrsla formanns
3. Kynning á endurskoðuðum ársreikningi félagsins.
4. Umræður um skýrslu formanns og ársreikning sem síðan skal borinn upp til samþykktar.
5. Umræða og atkvæðagreiðsla um lagabreytingar ef einhverjar eru.
6. Kosning stjórnar og varamanna í stjórn - kosning í nefndir á vegum klúbbsins.
7. Tillaga stjórnar um árgjöld næsta árs.
8. Kosning endurskoðenda.
9. Önnur mál

1. Fundarstjóri var kosinn Guðmundur Ómar Pétursson og ritari Gunnar Vigfússon.

2. Halldór Rafnson las skýrslu formanns og er vitnað til hennar sérprentaðrar.

3. Arnar Árnason tók næst til máls og lagði fram endurskoðaða reikninga félagsins. Þar kom fram að rekstrartekjur ársins 2007 voru 61.101.330, en rekstrargjöld 50.858.439. Hagnaður var því 10.515.891 án fjármagnsliða. Eftir að hafa tekið tillit til fjármunatekna, fjármagnsgjalda, óreglulegar tekjur og (gjöld) þá reyndist hagnaður ársins 7.256.079 kr. Eignir samtals eru metnar á 50.708.436 kr. Eigið fé er 15.741.605 kr og skuldir samtals 34.966.831. Samtals skuldir og eigið fé 50.708.436 kr. Arnar vakti síðan athygli á því að veltufé frá rekstri var u.þ.b 9 milljónir og er það góður árangur. Arnar taldi það ólíklegt að rekstrarafkoma næstu ára yrði jafngóð og á þessu ári. Hann taldi það þó nauðsynlegt að hafa álíka hagnað á næstu árum til að geta staðið við skuldbindingar varðandi rekstur og vélakaup sem framundan eru. Arnar talaði um að ánægjulegt var að sjá hvernig veitingasalan kom út í sumar og einnig góðan árangur hjá Artic open nefndinni. Kom Arnar síðan inn á að nettóskuldir klúbbsins hafa lækkað á milli ára úr 21 milljón í 17 milljónir. Arnar fór síðan yfir rekstraráætlun fyrir árið 2008. Ekki er þar gert fyrir jafnmiklum hagnaði og á þessu ári, en hann vonaði það besta.

4. Engar umræður urðu um skýrslu stjórnar eða um reikninga og voru þeir síðan samþykktir einróma.

5. Engar tillögur um lagabreytingar komu fram.

6. Kosningar í stjórn. Tillaga uppstillingarnefndar um stjórn er :

Aðalstjórn:	Formaður:	Halldór Rafnsson	eitt ár
	Varaformaður:	Rúnar Antonsson	seinna ár
	Ritari:	Gunnar Vigfússon	fyrri ár
	Gjaldkeri:	Arnar Árnason	seinna ár

Meðstjórnandi: Örn Viðar Arnarson fyrra ár
Tillagan samþykkt samhljóða.

Varamenn í stjórn. 1. Varamaður Sveindís Almarsdóttir seinns ár
2. Varamaður Svanhvít Ragnarsdóttir fyrra ár
Tillagan var samþykkt samhljóða.

Síðan var tekið fyrir að kynna tilnefningar í nefndir á vegum klúbbsins.

Fjáröflunarnefnd :

Formaður Rúnar Antonsson
Friðrik Sigþórsson
Framkvæmdastjóri GA

Vallarnefnd : (GSÍ)

Formaður Örn Viðar Arnarson
Eyjólfur Ívarsson
Sverrir Þorvaldsson
Magnús Ingólfsson
Kjartan Sigurðsson

Kappleikjanefnd : (GSÍ)

Formaður Sigurður H Ringsted
Guðmunda (Gógó) Jóhannsdóttir
Unnur Hallsdóttir
Stefán Haukur Jakobsson
Arinbjörn Kúld
Guðfinna Guðmundsdóttir
Sigurður Jónsson

Forgjafarnefnd (GSÍ)

Formaður Stefán Jónsson

Afreksnefnd:

Formaður Rúnar Antonsson
Ólafur Auðunn Gylfason
Kristján Kristjánsson
Halla Berglind Arnardóttir
Skúli Ágústsson

Aganefnd : (GSÍ)

Formaður Björn Axelsson
Ólafur Búi Gunnlaugsson
Aðalheiður Alfreðsdóttir

Nýliðanefnd :

Formaður Sveindís Almarsdóttir
Páll Jóhannsson

Vigfús Ingi Hauksson
Svandís Gunnarsdóttir
Ósk Jórunn Árnadóttir

Unglinganefnd :

Formaður

Gunnar Vigfússon
Siguður Jónsson
Halla Berglind Arnadóttir
Alda Stefánsdóttir
Harpa Ævarsdóttir
Elín Björnsdóttir
Golfkennari

Húsnefnd :

Formaður

Kári Guðmundsson
Júlíus Fossberg Arason
Ingólfur Bragason
Kári Már Jósavínsson

Artic Open :

Formaður

Jón Birgir Guðmundsson
Guðmundur Ó. Pétursson
Hanna Dögg Maronsdóttir
Kristinn H Svanbergsson
Björn Gíslason
Framkvæmdastjóri GA

Orðunefnd:

Formaður

Rúnar Antonsson
Svanhvít Ragnarsdóttir
Framkvæmdastjóri GA

Gengið var síðan til atkvæða um þessar tilnefningar í GSÍ nefndirnar og voru þær samþykktar samhljóða.

7. Fundarstjóri tók til máls og lagði hann fram tillögur stjórnar um hækkun árgjalda fyrir árið 2008 :

Karlar	kr 51.000.-
Konur	kr 51.000.-
Nýliðar	kr 35.000.-
Unglingar. 17-20 ára	kr 26.000.-
Unglingar. 15-16 ára	kr 21.000.-
Unglingar. 14 og yngri	kr 15.000.-
67. ára og eldri	kr 29.000.-

Hjónaafsláttur er 10%

Eindagi árgjalda er 1 maí 2007.

Eftir 1. maí reiknast dráttarvextir á útsenda seðla ásamt 2000.- vanskilagjaldi. Seðilgjald er kr. 350.- Hægt verður að greiða með greiðslukorti og dreifa greiðslum með 3% álagi.

Benadikt Guðmundsson spurði hve hækkunin væri mikil á milli ára. Hann fékk svar um að fullorðnir hækkuðu um 3 þúsund krónur eða 6.25%.

Þórarinn Jónsson kom og taldi það eðlilegt að þeir sem notuðu bíla á vellinum borguðu aukagjald fyrir það, eins og tíðkast víða erlendis.

Sævar Jónatansson taldi rétt að hafa sérstakan námsmannaafslátt til að missa ekki þá af vellinum sem væru í skóla.

Tillagan um hækkun árgjalda var samþykkt einróma.

8. Skoðunarmenn ársreikninga voru síðan kosnir Ómar Halldórsson og Jón Steindór Árnason.

Athugasemd kom frá Jóni Sólnes að þeir væru sonur formannsins og bróðir gjaldkerans. Arnar kom og svaraði þessu og sagðist vera sammála Jóni. Þetta verður skoðað að ári.

Kaffihlé.

9. Halldór Rafnsson kom í ræðustól og tilkynnti að þar sem Árni golfkennari hefði ákveðið að hætta hefði stjórnin ákveðið að ráða David Barnvell sem golfkennara GA frá 1. jan. næstkomandi. David kom síðan upp og þeir skrifuðu undir samning þess efnis.

Rúnar Antonsson kom síðan og tilkynnti að Viðar Þorsteinsson hefði fengið afreksmerki fyrir að vera í landsliði öldunga. Viðar var ekki viðstaddur, en afreksmerkinu verður komið til hans. Silfurmerki fengu þeir Haraldur Sigurðsson fyrir mikið starf fyrir GA. Ómar Halldórsson fyrir að vera fyrsti Íslendingurinn sem verður evrópumeistari og eiga stórn þátt í að samningar tókust við Akureyrarbæ. Kristinn Svanbergsson fékk silfurmerkið fyrir sinn þátt í samningnum við Akureyrarbæ. Rúnar veitti síðan Brynjari Bjarkasyni bikar fyrir að vera holumeistari GA, Petreu Jónasdóttur fékk síðan bikar fyrir að vera fyrirmyndarkylfingur GA. Hann er veittur þeim einstaklingi sem hefur sýnt háttvísi, þrúðmennsku og framfarir í golfi. Kylfingur ársins hjá GA er Björn Guðmundsson. Björn fékk glæsilegan farandbikar sem Ómar Halldórsson gaf. Björn varð Akureyrarmeistari og er bæði í landsliði fullorðina og unglunga. Einnig stóð hann sig vel á Íslandsmótinu og lenti þar í 15 sæti.

Kristinn Svanbergs tók næst til máls og þakkaði fyrir þann heiður sem GA sýndi honum. Hann óskaði stjórninni og nefndum til hamingju með góðan rekstur og fjármálastjórn. Kristinn kom einnig inn á að eðlilegt væri að kostnaður við völlinn aukist þegar svona miklar framkvæmdir ættu sér stað. Hann kom síðan inn á fjármagnskostnaðinn sem GA lendir í að borga, þar sem GA framkvæmir áður en peningar koma frá bænum. Kristinn sagði að Akureyrarbær gæti ekki komið fyrr með peningana.

Næst bað Jón Birgir Guðmundsson um orðið og óskaði stjórninni til hamingju með ársreikninginn. Jón Birgir kom síðan inn á Artic open og sagði að aðilar vildu kaupa mótið. Taldi hann að nú þurfum við að fara að skoða hvernig við viljum að mótið verði í framtíðinni. Viljum við að mótið verði 1 dagsmót eða einhvernvegin öðruvísi. Jón Birgir vildi fá hugmyndir félagsmanna um hvernig hægt væri að breyta og bæta Artic open. Þakkaði hann síðan öllum þeim

sjálfbodaliðum sem hjálpuðu við mótið á síðasta ári. Að endingu kom Jón inn á golfryggingu sem Sjóvá er að bjóða.

Árni Jónsson golfkennari tók næstur til máls og sagðist vera búinn að vera hjá GA meira og minna undanfarin 35 ár, bæði sem golfkennari og framkvæmdastjóri. Árni þakkaði síðan fyrir samstarfið og sagðist ekkert vera farinn þó hann væri hættur að vera kennari hjá GA.

Gísli Bragi kom næstur í pontu og þakkaði Árna fyrir samstarfið og vonaðist til þess að Árni hefði nú tíma fyrir að spila golf við gömlu félagana. Fagnaði Gísli Bragi því að David væri að koma aftur sem golfkennari GA og bauð hann velkominn.

Halldór Rafnsson tók næst til máls og fór í gegnum reksturinn undanfarin ár og sagði að þegar hann tók við, sem formaður GA, þá hafi hann lofað að skila hagnaði á hverju ári og hann hafi staðið við það. Þakkaði hann síðan stjórninni fyrir góð störf á þessu rekstrarári sem er að ljúka og sleit hann síðan fundi kl 21:45.

Gunnar Vigfússon